



庶物異名疏卷二十六目錄

獸部上

黔喙

尊耳

述蕩

能葦

堂祥

不庭

岐母

羣抵

天翟

嗽月

執夷

風母

魑

石穀

渾沌

檇杙

無損

破鏡

墀

虞巴

舍利

茲白

飛遽

類

囂

谿邊

谷遺

朱厭

舉父 微徊 神媿 窮奇

孰湖 臙疏 孟槐 孟極

足訾 那父 窳窳 諸懷

居暨 領胡 彖鍊 從從

崱崱 娑胡 精精 當康

合窳 肫肫 夫諸 犀渠

山膏 文文 雍和 頡

後卽 梁渠 蛩蛩 巨虛

蹶 羅羅 波羅 天吳

開明 吉量 吉黃 雞斯

夔 屏蓬 鱉封 軫軫

傅訑 葱蘢 長右 猓裏

蠱雕 刑天 蚘蝮 鼠屬

鳴吻 嘲風 蒲牢 蜥蜴

囚牛 狴犴 睚眦 饕餮

霸下 蒙頔 賈肫 幺幼

草上飛 阿塔必卽 脩毫

釐睫 白堊 青曹 黑暗

白暗

夷猶

洸陽

那害

訥害

磳碰

雙

吼

馬銜

庶物異名疏卷二十六

樵李陳懋仁無功著

獸部上

黔喙

周易說卦艮為黔喙之屬馬融謂黔喙肉食之獸鄭玄謂虎豹之類孔穎達謂居山之獸仁按爾雅白馬黑脣駟黑喙駟說文黔黑色然則黔喙即駟與

尊耳

周書王會史林以尊耳身若虎豹尾長三尺其身食虎豹瑞應圖曰酋耳似虎絕大不食生物見虎豹卽殺之太平則至郭璞謂卽騶虞白虎黑文尾長於身按尊酋字有錯簡不知孰是

述蕩

述蕩獸名呂覽述蕩之擊高誘曰擊踏也形則未聞

能黃

能黃獸中堅而強壯者揚雄蜀都賦戶豹能黃

左傳鮫死其神化爲黃能

堂祥

不庭

岐母

羣抵

天翟

堂祥不庭岐母羣抵

一作怪天翟

或羽屬

高誘呂覽

注皆獸名

嗽月

嗽月形似豹飲金錢之液食銀石之髓夜噴白氣其光如月軒轅之世獲焉見拾遺記

執夷

爾雅狄執夷郭璞曰貔一名執夷虎豹之屬陸
璣疏貔似虎或曰似熊一名執夷一名白狐其
子爲穀遺遼東人謂之白熊

風母

風母似豹青色燒之不死斫刺不入鐵錐鍛其
頭乃死其口向風復活以菖蒲塞其鼻卽死見
十洲記嶺南異物志云風母似猿猴而小腦破
不復生南人傳此獸長持一小杖遇物則指悉
不能去有得之者指必有獲夷人得此獸不見

其杖或云甯洞得之資產巨萬

魑

爾雅魑如小熊竊古淺字毛而黃郭曰狀如熊而
小毛淺赤黃色俗呼赤熊爲魑也

石穀

石穀似貉而形短常捕取猴猿見風土記

渾沌

渾沌狀如犬目不見耳不聞腹無五臟腸直不
旋食而徑過人有德行牴觸之凶惡依憑之名

曰渾沌一名無耳一名無心空居無常咋尾回
轉向天而笑見神異經

檇杙

檇杙狀如虎而大毛長二尺人面虎足猪牙尾
長丈八一名傲狼一名難訓張華曰此獸毛皆
如毫緒猪毛也楚史記檇杙噉凶之類與於紀
惡之名春秋直史不避君之善惡故取以爲名
偃曝談餘云史者示往知來者也檇杙爲物能
逆知來事故以此目之朱紫陽訓爲紀惡者又

一義也焦氏筆乘云檇杙非獸惡木也錄以並
攷

無損

無損南方之獸如鹿豕頭有牙鹿尾善依人求
五穀割取肉不病肉自復其肉惟可作鮓使醬
肥美而咋肉不壞吞不入齧盡更燥肉復作鮓
如初愈美名曰不盡鮓見神異經

破鏡

古者天子祠黃帝用破鏡孟康曰獸名食父如

黃腰欲絕其類使數食之破鏡如狸而虎眼也
楞嚴經云破鏡抱毒樹果爲子子成父母皆遭
其食詳見羽部

墀微

虔巳

蜀地志黃腰一名墀微一名虔巳馳身狐首生
子長大治活羣逐其母令不得飲將有所求而
易先此獸則不得矣

舍利

鄭氏姻禮謁文贊曰舍利爲獸獸而能謙禮義

乃食口無譏訾西京賦舍利颯颯化爲仙車性
吐金故曰舍利初爲獸後化爲仙人車按漢昏
禮作舍利廉而謙蓋含舍字近錯簡不知何始
後人雖有證據終未能確其何是也

茲白

茲白若白馬鋸牙食虎豹一名駮出義渠見周
書王會

飛遽

上林賦射遊梟櫟飛遽張揖云飛遽天上神獸

鹿頭龍身

類

類出亶爰之山如狸而有髦自為牝牡食之不
妬見山海經莊子云類自為雌雄郭璞贊類之
為獸一體兼二近取諸身用不假器窈窕是佩
不知妬忌

囂

囂出踰次之山如禺而長臂善投郭璞云亦在
畏獸畫中似獼猴投擲也有鳥亦名囂見羽部

谿邊

谷遺

谿邊出天帝之山如狗席其不蠱郭璞贊谿邊
類狗皮厭妖蠱又云或作谷遺

朱厭

朱厭出小次之山如猿而白首赤足見則大兵
舉父

微徊

舉父出崇吾之山如禺而文臂豹虎而善投

微徊

音傲

出三危之山如牛白身四角毫如披

箕是食人

神媿

神媿

耻回反

山剛水出焉人面獸身一足一手

其音如欽郭璞云媿亦魑魅之類或作媿欽亦

吟字假音故其贊曰其音如吟俱見山海經

窮奇

窮奇一名神狗出邽山如牛蝟毛音如律狗是

食人一曰狀如虎有翼食人從首始所食被髮

在蚺犬北一云從足郭璞銘窮奇之獸厥形甚

醜馳逐妖邪莫不奔走是以一名號曰神狗神

異經云窮奇見忠信之人則嚙而食之見奸邪

之人則擒禽獸而飼之仁謂窮奇混沌所好相

同

孰湖

孰湖出崦嵫之山馬身鳥翼人面蛇尾是好舉

人郭璞贊孰湖之獸見人則抱

臄疏

臄歡疏出帶山如馬一角有錯可以辟火郭璞

云言其甲有錯也或作曆

孟槐

孟槐出譙明之山如貍而赤豪音如榴榴可以禦凶郭璞贊孟槐似貍其豪則赤列象畏獸凶邪是辟氣之相勝莫見其迹

孟極

孟極出石者之山如豹而文題白身是善伏其名自呼

足訾

足訾出蔓聯之山如禺而有鬣牛尾文臂馬蹄見人則呼其各自呼

那父

那父出灌題之山如牛而白尾其音自訿郭璞云訿音叫如人呼喚

窳窳

窳窳音軋出少咸之山如牛而赤身人面馬足

爾雅窳窳似羆虎爪與此異

諸懷

諸懷出北嶽之山如牛而四角人目彘耳音如
鳴鴈是食人

居暨

居暨出梁渠之山其狀彙而赤毛其音如豚郭
璞云彙似鼠赤毛如刺

領胡

領胡出陽山如牛而赤尾其頸腎狀如勾瞿勾瞿

斗也見其鳴自談食之已狂

辣辣

辣辣出泰戲之山如羊一角一目目在耳後其

鳴自訃

從從

從從出柵狀之山如犬六足其鳴自訃

後後

後後出磴山如馬而羊目四角牛尾音如獐狗
見則國多狡客郭璞贊治在得賢亡由失人後
後之來乃致狡賓歸之冥應誰見其津

嬰胡

娵婉胡出尸胡之山如麋而魚目其鳴自訃

精精

精精出踣敏隅之山如牛而馬尾其鳴自訃郭璞贊精精如牛以尾自辯

當康

當康出欽山如豚而有牙其鳴自訃見則天下大穰

合窳

合窳出剡山如凝人面黃身而赤尾音如嬰兒

是食人亦食蟲蛇見則天下大水郭璞贊豬身人面號曰合窳厥性貪殘物不為咀至陰之精見則水雨

肫肫

肫肫出霍山如狸而白尾有鬣養之已憂

夫諸

夫諸出敖岸之山如白鹿而四角見則其邑大水

犀渠

犀渠出釐山如牛蒼身其音如嬰兒是食人

山膏

山膏出苦山其狀逐

郭云卽豚字

赤若丹火善詈郭

璞贊山膏如豚厥性好罵

文文

文文出臯之山如蜂枝尾而反舌善呼

雍和

雍和出豐山如蟻赤目赤喙黃身見則國有大

恐

頡

頡出汝水郭璞云如青狗

移卽

移卽出鮮山如膜大赤喙赤目白尾見則其

邑有火郭璞贊移卽起災

梁渠

梁渠出歷石之山如狸而白首虎爪見則其國
有大兵俱見山海經

蛩蛩

巨虛

蹶

山海經平丘有素獸如馬曰蛩蛩郭璞曰卽蛩
蛩鉅虛也一走百里尸子曰距虛不擇地而走
急就注似馬而有青色一曰距虛似羸羅而小
孫子曰北方有獸名蹶前足鼠後足兔食得甘
草必齧以遺蛩蛩距虛蛩蛩距虛見人將來必
負蹶以走蹶非性心愛蛩蛩距虛也爲假足也
二獸者亦非性心愛蹶也爲其得甘草而遺之
也沈括謂蹶亦曰蛩蛩巨虛劉勰曰蛩蛩巨虛
其實一獸因其詞煩分而爲二袁孝政注云蛩

蛩前足長巨虛後足長其獸出鴈山見人卽巨
虛負蛩蛩而走諸說不同錄以並攷

羅羅

波羅

羅羅出平丘青獸如虎見山海經虎薈云雲南
蠻人呼虎爲羅羅南詔呼虎爲波羅鳥亦有羅
羅見羽部

天吳

天吳在蜚蜚北兩水間八首人面八足八尾皆
青黃一曰虎身十尾見山海經郭璞贊耽耽水

伯號曰谷神八頭十尾人面虎身龍據兩川威無不震

開明

開明身大類虎而九首皆人面東嚮立崑崙上郭璞曰天獸也銘曰開明爲獸稟資乾精瞪視崑崙威震百靈贊曰開明天獸稟資金精虎身人面表此桀形瞪目崑崙山威懾百靈

吉量

吉黃

雞斯

山海經犬戎有文馬縞身朱鬣目若黃金名曰

吉量乘之壽千歲郭璞云周書犬戎文馬赤鬣白身目若黃金名曰吉黃之乘成王時獻之六韜田文身朱鬣眼若黃金項若鷄尾名曰雞斯乘之壽千歲三名不同實一獸也郭璞贊金睛朱鬣龍行駿蹄拾節鴻驚塵不及起是謂吉黃釋聖牖里

夔

夔出流波山如牛蒼身而無角一足出入水必風雨其光如日月其聲如雷黃帝得之以其皮

爲鼓楹以雷獸之骨聲聞五百里以威天下

屏蓬

鰲封

屏蓬出大荒山中左右有首一曰并封狀如彘前後皆有首黑郭璞云屏蓬卽并封語有輕重也仁按周書王會區陽以鰲封者若彘前後有首卽是物也

軫軫

軫軫出空桑之山如牛而虎文其音如欽其鳴自叫見則天下大水

傅訑

傅訑

音博施施一作陀

出基山如羊九首四耳其目在

背佩之不畏

葱蘽

葱蘽出符禺之山狀如羊而赤鬣

長右

長右出長右之山如禺而四耳其音如吟見則郡縣大水郭璞贊長右四耳厥狀如猴實爲水祥見則橫流彘虎其身厥尾如牛

猾褻

猾褻

懷

出堯光之山如人而彘鬣穴居而冬蟄

其音如斲木見則縣有大繇郭璞贊猾褻之獸見則興役膺政而出匪亂不適天下有道幽形匿跡

蠱雕

蠱雕出鹿吳之山狀如雕而有角其音如嬰兒是食人郭璞云蠱或作纂俱見山海經

刑天

刑天獸名戴刑天舞干戚口中好銜干戚見山海經陶詩刑天舞干戚猛志固常在

蚘蝮

鼯鼠

鴟吻

嘲風

蒲牢

蜥蜴

囚牛

狴犴

睚眦

饕餮

霸下

爾雅龍生九子各有所好蚘蝮好負重今碑下獸鼯鼠好文今碑上所纏獸鴟吻好望今屋上

獸嘲風好嶮今殿角及簷前獸蒲牢

形似龍

好鳴

今鐘上獸一曰蒲牢海獸聲如鐘畏鯨故鑄鐘

作蒲牢及鯨形蜥蜴好水今橋上獸囚牛好音
樂今胡琴上獸狴犴好訟獄囚之象今獄門上
獸睚眦好殺今刀上獸一說後狴好烟火今香
爐之獸霸下好負重碑坐之獸饕餮好飲食故
立於鼎蓋虬螭好水故立於橋柱椒圖詳見鱗介部
形似螺蚌性好閉故立門鋪首按諸書名與其
性頗異故並錄仁謂虬螭霸下俱好負重曰碑
下曰碑坐字異音同必是一物

蒙頰

蒙頰猱狀郭璞云卽蒙賁一作貴似雌而小紫黑
色可蓄以捕鼠勝於貓廣東通志云猱獾有黑
白黃狸狀類貓而大亦高足而結尾捕鼠捷於
貓也諸國皆產惟暹羅者良舶估挾至常貓見
而避之豪家每十金易一云

賈𧠦

賈𧠦獸也白澤圖千歲木精狀如豚食之味如
狗

么幼

么腰幼豕子也郭璞云最後生者

草上飛

草上飛西番獸王也裔乘曰形大如犬身似斑
貓性純不惡獅豹等獸見之卽伏於地仁愛此
獸不惡而嚴

阿塔必卽

阿塔必卽者馬八兒國獸名至元中遣使進元
世祖似騾而巨毛黑白間錯蓋奇獸也

脩毫

釐睫

白望

青曹

西京雜記茂陵少年李亨好馳駿狗逐狡獸狗
則有脩毫釐睫白望青曹之名

黑暗

白暗

杜少陵詩黑暗通蠻貢墨客揮犀云南人謂象
牙爲白暗犀爲墨暗韻府一曰鷄號黑暗

夷猶

爾雅鼯鼠一名夷猶狀如小狐似蝙蝠肉翅翅
尾項脅毛紫赤色背上蒼艾色腹下黃喙頷雜
白脚短爪長尾三尺許飛且乳亦謂之飛生聲

如人呼食烟火能從高赴下不能從下上高仁
謂此獸生俱高處耶不然既下不上上復何下

洪陽

莊子達生云西北方之下者則洪陽處之注洪
陽豹頭馬尾一作狗頭一云神名也

那害

訥害

那上聲害虜中名犬也見岷峨山人譯語一曰訥

害兒狗曰厄冽

來伽反

訥害母狗曰厄滅訥害見

重譯

磔礎

磔礎西方獸名也見經史直音

斃

經史直音斃獸名似犬有文故從文也

吼

治世餘聞錄云西番貢獅子其性勁險一番長
與之相守少離則威作畜二小獸名曰吼形類
兔兩耳尖長僅尺獅作威時卽牽吼視之獅畏
伏不動蓋吼作溺着其體肉卽腐爛吼猓獾又

畏雄鴻鴻引吭高鳴吼亦畏伏物類相制如此
馬銜

海賦馬銜當蹊其狀馬首一角而龍形

庶物異名疏卷二十七目錄

獸部下

駢突

禍斗

縣神

威夷

時善

闕洩

贊

萬萬

嗥陽

州留

瞿摩帝

古旃

蠢蠕漿

劫伽

莫灑

翠黃

紫黃

唐巴

縠

山都

帚

委虎

彫

樹

宰

鑿齒

於擇

果然

活褥地 旋子 達 母兒

前兒 在子 桃拔 般般

洞洞 魁堆 蔡余義 茶首

金波羅 毗黎那 白及 仲能

白臭 猶 與 稗

重工 不來 銜蟬 烏員

勃賀 擅根 卷婁 嚳

倉光 歇驕 盧 閭

豕 聳孤 素冥 受福

福祿 巫支祈 膍肭 嚙鐵

倒壽 槃瓠 瓠汁 白龍柒

騶牙 倏囊 糝弗述 耗

彭侯 射干 野干 猛氏

特 肩 慎 師

觥觥 抵詭 决鼻 欣

婁 絕地 翻羽 奔宵

超影 踰輝 超光 騰霧

挾翼 白凖 綠耳 渠黃

踰輪

盜驪

山子

赤麓

蒟騮

追風

白兔

躡影

追電

飛翮

銅爵

晨鳧

浮雲

赤電

絕羣

逸驃

紫鸞騮

綠螭驄

龍子

麟駒

絕塵

一丈鳥

皎雪驄

飛霞驃

翔麟紫

奔虹

拳毛馱

什伐赤

白蹄鳥

特勒驃

颯路紫

青騮

齧膝

乘且

綠虵

荏鐵

鐵獺

鐵象

蒲梢

決波驢

九花虬

翠雲虬

玉逍遙

牝靡

的顙

白巔

的吻

的盧

宜乘

黃芝

碧芬

鮮渠上沮

駁龍

紫鹿

支的

躡魚

飛越峯

瑞穎

玉麟飛

白玉駒

碧玉橋

照夜壁

銀河練

瑤池駿

飛雲白

叱撥

聶蟲

智蟲

啓服

朴握

洵裏

肅爽

石狽

葛糝

馬通

靈薪

周匝

富貴

庶物異名疏卷二十七

樵李陳懋仁無功著

獸部下

駢突

漢書刑法志是猶以鞮而御駢突如淳曰惡馬也

禍斗

禍斗狀如犬而食火糞復為火能燒人屋見太平廣記

縣神

縣神獸也名畫記云建州浦城縣山有獸名縣神豕身人首好出水邊石上張平子往寫之獸入潭中不出或云此獸畏畫故不出去紙筆果出

威夷

威夷力弱獸也爾雅威夷長脊而泥泥弱也劣弱少才力也

時善

時善好登山峯之獸爾雅曰時善蔡嶺

闕洩

爾雅闕洩多狙疏云舊說以為闕洩獸名其脚多狙狙指也其形未詳

贊

贊犬類通典大秦國有贊出西海有養者似狗多有獷惡

萬萬

鳴陽

萬萬梟羊也吳都賦萬萬笑而被格狀如人披

髮迅走見人則執手而笑乃食之人因以竹筒致臂而與之則執筒而笑笑則脣上掩其目人抽臂以鑿綴其脣于額而殺之羽獵賦作鳴陽

州留

鬱林異物志州留

周一曰周留

者其實水牛蒼毛豕身

角若擔矛衛護其犢與虎爲讐廣志謂州留項上肉大如斗似橐駝日行三百里

瞿摩帝

梵書瞿摩帝牛也

古旃

酉陽雜俎云北虜有尼師都生四子一子化爲鴻遂委三子謂爾可從古旃古旃牛也三子因隨古旃所糞悉成乳酪

蠢蠕漿

石藥爾雅牛乳汁一名蠢蠕漿

劫伽

翻譯名義云劫伽此云犀牛

莫灑

莫灑驢之一名見何承天纂文

翠黃

紫黃

乘黃狀如狐背兩角白民國乘之壽三千歲封
禪書招翠黃乘龍于沼孟康曰翠黃乘黃也龍
翼馬身黃帝乘之而仙又名紫黃一名飛黃又
名吉黃周書王會乘黃似騏背有兩角一說軒
轅氏獲飛黃獨角

唐已

穀

酉陽雜俎黃腰一名唐已見之不祥蜀志穀

同聲

忽似豹而小腰以上黃以下黑形類犬一曰鼪
身狸首長則食母形雖小能食虎豹及牛鹿也

山都

山都形如崑崙奴通身生毛見人輒閉目張口
如笑好在深澗中翻石覓蟹噉之見南康記異
物志則云廬陵太山之間有山都似人裸身見
人便走自有男女可長四五尺能噉相喚常在
幽昧之中似魑魅鬼物

希

說文彙異 脩毫獸集韻作彘河內豕

委虎

韻學集成云虎斯似虎有角能行水中曰委虎

彪

西伯將獵卜之曰所獲非熊非彪痴一本作螭

樹

儀禮云在國中射樹皮注云樹獸名謂皮作樹形以射之樹之形詳見仁藕居士詩話中

宰

宰森獸名狀如狗有角文身五彩司馬彪云

鑿齒

鑿齒獸名服虔曰鑿齒五尺齒似鑿食人

於擇

於擇釋一作徒虎也漢書序傳楚人謂虎為於擇說

文菟作彪亦作擇

果然

南州異物志果然獸其鳴自呼身如猿犬面通身白色體不過三尺而尾長四尺餘反尾度身

過其頭視其鼻仍見兩孔其毛長柔細滑澤以
白爲質黑爲文視如蒼頭鴨脅邊斑文集十餘
皮不得一蓐繁文麗好細厚温煖國史補云揚
州取一果然則數十果然可得蓋不忍傷其類
聚族而啼殺之不去周禮注果然者明生相敘
患難相赴也青目黑頰有髯

活禡地

唐書波斯伊嗣侯遣使獻活禡地形類鼠而色
青身長八九寸能入鼠穴取鼠

旋子 達

刊

一作匡

繆正俗問小羊未成爲旋子何答曰按

呂氏字林撰

選

未啐羊也今言旋者語訛耳當

言撰子也達亦小羊詩云先生如達羊子易生
無留難也

母兒

周書王會周公旦主東方所之青馬黑駿謂之
母兒孔晁曰馬名未詳

前兒

前兒猴屬周書王會穢人前兒前兒若獮猴立
行聲似小兒穢韓穢也東夷別種

在子

周書王會良夷在子在子鱉身人首脂其腹炙
之以藿則鳴曰在子

桃拔

漢書西域傳烏弋地有桃拔孟康曰桃拔一名
符拔似鹿長尾一角者或爲天鹿兩角或爲辟
邪似虎正黃有髯形尾端茸孔大如斗章帝時

月氏獻之和帝時安息獻之

般般

般般麟也封禪書般般之獸樂我君圃白質青
章其儀可嘉薛道衡曰般般擾義

狌狌

泰山有獸狀如豚而有珠名曰狌狌

魃堆

天問魃

其

堆焉處注魃堆奇獸也

蔡余義

茶首

蔡余義似麕兩頭其胎下尿四時取之以治蛇
虺毒見博物志陳藏器云蔡苴機兩頭麋也一
名蔡余義後漢書雲陽縣有神鹿兩頭能食毒
草卽是也升庵又云博物記雲南出茶首其音
爲蔡茂是兩頭鹿名也

金波羅

金波羅虎也冉家蠻云見炎徼紀聞

毗黎邦

畫墁錄云南使至北虜帳前見畢密賜羊羝十

枚毗黎邦十頭毗黎邦大鼠也虜中上供臣下
不敢畜唯上意厚禮南使

白及

金樓子西胡有牛名白及

玄中記
作日及

今日割取其

肉一二斤明日其瘡卽滿漢人有至其國者胡
以此牛示之漢人曰吾國有蟲名蠶爲人衣食
樹葉而吐絲外國人不復信有蠶

仲能

抱朴子鼠滿百歲則色白善憑人而十名仲能

白奧

白奧獸名古文澤見石鼓文

猶

與

曲禮卜筮者所以使民別嫌疑定猶與也註疏
猶獸名獲屬與亦獸名象屬此二獸皆進退多
疑人多疑惑者似之故謂之猶與尸子則云五
尺犬為豫

程

程豹也豹性廉有所程度而食故亦名程莊子

云程生馬

重工

重工狗名見穆天子傳

不來

徐廣封禪書狸一名不來

街蟬

鳥員

街蟬猶名見拾遺記山谷詩買魚穿柳聘街蟬
韻府猶一名鳥員

勃賀

洞微志僧下聰遊五臺有僧以書寄東京勃賀
至京不見其人一日見小兒逐大猪名勃賀云
此猪能令羣猪不亂逸好食薄荷故名以書投
食之人立而化按晁補之猪齒化佛贊云往有
大猪生不啖微食薄荷草度羣業猪卽此猪也

羶根

卷婁

仇池筆記王中令賦蒸豚詩若把羶根來比並
羶根自合喫藤條羶根羊也亦名卷婁莊子謂
舜爲卷婁以其有羶行也

嚙

說苑客謂孟嘗君曰周氏之嚙天下之疾狗也

倉光

倉光水獸也論衡師尚父將師伐紂到孟津號
其衆曰倉光善覆人船因神以化欲令急渡河
中有此異物時出浮揚一身九頭

歇驕

歇驕

鬮

田犬也詩云載獫歇驕毛傳長喙獫爾

雅短喙歇驕

鹿物異名疏

卷廿七獸部下

十

盧

詩云盧令令盧韓國之駿犬也孔叢子云申叔問曰犬馬之名皆因其形而名焉惟韓盧宋鵠獨否何也子順曰盧黑色鵠白黑色非色而何

閭

閭山驢也周書北唐以閭亦見鄉射禮山海經有閭麋郭璞云閭卽羆也似驢而岐蹄角如麋羊一名山驢贊曰閭善躍嶮

豕

豕豕類也張腹而臠畢露者也今人讀豕畢世而不知其義可乎見湧幢小品

聳孤

素冥

麟之青曰聳孤赤曰炎駒白曰素冥黑曰角端黃曰麒麇見湧幢小品

受福

福祿

漢昏禮有受福獸體恭心慈其形未聞一統志忽魯謨斯國產福祿似驢而花文可愛

巫支祈

岳瀆經禹導淮獲巫支祈形如彌猴縮臯高額
青軀白首金目雪牙頸伸百尺力踰九象命庚
辰搏擊騰越疾利倏忽視不可久授之庚辰庚
辰以戰遂去項頸大械鼻穿金鈴徙之淮陸龜
山之足淮水乃安山海經謂好爲雲雨禹鎖之
軍山之下墨談云唐時爲漁者掣出嘗一獻形

膾膾

本草膾膾一名骨膾獸似狐而大長尾皮上有
白黃毛三莖共一穴生西戎或曰膾膾魚類豕

首兩足其膾紅紫色陳藏器云骨膾胡人呼爲
阿慈勃他其膾似麝香黃赤色臨海志膾膾若
鹿頭似狗長尾遇日出則浮在水面藥性論謂
之海狗爾雅雌仰鼻而一忍與切尾似狐而大尾
長皮白毛黃三莖一穴謂之海狗性孳一名膾
膾諸說稍異錄以並攷

齒鐵

齒鐵南方獸角足大小形狀如水牛皮毛黑如
漆食鐵飲水糞可爲兵其利如剛見神異經

倒壽

倒壽西荒中獸神異經云如虎豪長三尺人面
虎足口牙一丈八尺人或食之獸鬪終不退却
惟死而已荒中人張捕之復黠逆知

槃瓠

搜神記高辛氏宮中有老婦人有耳病醫者挑
治之有物大如繭以瓠離盛之以槃覆之有頃
化爲犬其文五色因名槃瓠玄中記高辛氏犬
戎爲亂言曰有討之者妻以美女封三百戶帝

之狗槃瓠亡三月而殺犬戎以其首來帝以女
妻之於會稽東南海中土三百里而封生男爲
狗生女爲美人封爲 民國

瓠汁

白龍柒

石藥爾雅白狗膽一名瓠汁一名陰龍瓠汁白
狗耳上血名白龍柒

騶牙

建章宮叢櫟中有獸出狀如麋東方朔曰此騶
牙也牙若一齊中無牡見則遠方當有歸義者

後匈奴渾邪將十萬衆來降

侯囊

吳書諸葛恪爲丹陽太守出獵兩山之間有物如小兒伸手欲引人恪令伸之乃引去故地卽死叅佐問故恪曰此事在白澤圖名曰侯囊諸君偶未見耳

糞弗述

秦文公時陳倉人獵得獸若彘而不知其名道逢二童子曰此名糞弗述糞弗述亦語曰二童

子名爲寶雞得雄者王得雌者霸陳倉人舍糞弗述而逐二童子化爲雉并其雌雄酉陽雜俎曰弗述常在地中食死人腦欲殺之當以栢插其首

耗

博物志周穆王有犬名耗來毛白

彭侯

搜神記陸敬叔爲建安太守使人伐大樟樹不數斧忽有血出至斷處有物人頭狗身從樹中

出陸曰此名彭侯可烹食之

射干 野干

子虛賦騰遠射干漢書音義射干似狐能緣木
升庵外集野干胡地野犬也干音幹佛書多所
引喻法苑珠林云有說為野干鳴無說為獅子
吼仁謂射干即野干翻譯名義云悉伽羅此云
野干似狐而小形色青黃如狗羣行夜鳴如狼
郭璞云射干能緣木廣志云巢於絕巖高木也

猛氏

子虛賦鏃猛氏郭云蜀中有獸狀如熊而小毛
淺有光澤名猛氏

特 肩 慎 師

鄭玄曰豕生三曰縱大司馬職注一歲為縱二
歲為犯三歲為特四歲為肩五歲為慎釋獸云
豕生三縱二師一特

觥 抵詭

論衡儒者說云觥音化者一角之羊性知有
罪臯陶治獄罪疑者令羊觸之有罪則觸之無

罪則不觸一統志云抵詭獸名說文謂此獸其性忠直然則觥觥亦抵詭類乎

决鼻

欣

詩推度災云八日成光决鼻始明一曰穴鼻類考欣兔之絕有力者論衡兔舐毫而孕子從口出

婁

韓詩外傳曰婁更食而更視不相得不能飽按爾雅北方有比肩民迭食而迭望或即婁與

絕地

翻羽

奔宵

超影

踰輝

超光

騰霧

挾翼

拾遺記穆王馭八龍之駿一名絕地足不踐土二名翻羽行越飛禽三名奔宵夜行萬里四名超影逐日而行五名踰輝毛色炳耀六名超光一形十影七名騰霧乘雲而奔八名挾翼身有肉翅通而駕焉

白縶

綠耳

渠黃

踰輪

盜驪

山子

赤龍

古驥字

蒟騮

列子周穆王右驂赤驥本傳驥作麓而左白羃音意本傳

羃作儀郭璞云皆以毛色取名也蒟騮綠耳竹書紀年

穆王八年北唐獻一驪是生綠耳渠黃踰輪盜驪山子共為八

駿劉氏音義云盜驪竊驪也荀子作織離竊淺

青色八駿既因色名竊驪為得之也按驪純黑

色聊竊驪之色故曰淺青為竊驪也爾雅疏謂

竊即古淺字

追風 白兔 躡影 追電

飛翮 銅爵 晨鳧

秦始皇七馬曰追風白兔躡影追電飛翮銅爵

晨鳧

浮雲 赤電 絕羣 逸驃

紫鸞騮 綠螭驄 龍子 麟駒

絕塵

西京雜記文帝自代還有良馬九匹皆天下之

駿也一名浮雲一名赤電一名絕羣一名逸驃

去聲黃一名紫鸞騮一名綠螭驄一名龍子一

名麟駒一名絕塵號為九逸有來宜能御代王

號為王良俱還代邸

一丈鳥

梁太祖以愛馬一丈鳥賜温彦卿

皎雪驄 飛霞驃 翔麟紫 奔虹

唐太宗駿曰皎雪驄飛霞驃翔麟紫奔虹太宗十驥贊曰殊毛共櫪狀花蓋之交林異色同羣似雲霞之間彩

拳毛馱 什伐赤 白蹄鳥 特勒驃

颯路紫 青騅

拳毛馱黃馬黑喙贊曰月精按轡天駟橫行弧矢載戢氛埃廓清什伐

赤純赤色贊曰漶澗未靜斧鉞伸威朱汗騁足青旌凱歸白蹄鳥純黑

色四蹄俱白贊曰倚天長劍追風駿足聳轡平隴回鞍定蜀特勒驃黃

白色喙微黑色贊曰應策騰空承聲半漢入險摧敵乘危濟難颯路紫

紫鸞駟紫鸞駟見前贊曰紫鸞超躍骨騰神駿氣聳三川威凌人陣青騅蒼

白雜色贊曰足輕雪影神發天機策茲飛練定我戎衣右皆唐太宗馬

殷仲容撰贊

齧膝 乘旦

齧膝乘旦皆良馬名見聖主得賢臣頌

庶物異名疏 卷廿七 獸部下

綠虵

綠虵良馬名見顏延之赭白馬賦綠蛇衛轂

荏鐵

馬經驄之別名七曰荏鐵

鐵獺

鐵象

鐵獺梅聖俞之馬名也鐵象曲端馬

蒲梢

漢武帝伐大宛得千里馬名蒲梢歌詩曰天馬來今從西極經萬里今歸有德承威靈今降外

國涉流沙兮四夷服中尉汲黯進曰凡王者作樂上以承祖宗下以化兆民今陛下得馬詩以爲歌協於宗廟先帝百姓豈能知其音耶上默然不悅丞相公孫弘曰黯誹謗聖製當族

決波驗

西陽雜俎骨利幹國獻馬十匹尤駿上爲製名決波驗者近後足有距

九花虬

翠雲虬

休藍記代宗時李德山貢馬名九花虬額高九

尺毛拳如鱗身被九花故名仁往於都中窮市見二寸許牙牌一枚上刊翠雲虬三字此必天閑標識之物也

玉逍遙

邵氏聞見錄云仁宗御馬名玉逍遙色白乘之如輿輦圍人云馬行步有尺度疾徐皆中節御者行速則以足欄之一日燕王借乘卽長鳴不行王怒還之帝以配城南馬舖久之復御其行如初帝升遐從葬至陵下悲鳴不食而死

牝靡

牝靡馬名趙津女娟對簡子曰妾聞昔者湯伐夏左驂牝驪右驂牝靡而遂放桀武王伐殷左驂牝騏右驂牝驥而遂克紂主君不欲渡則已與妾同舟又何傷乎簡子悅遂渡中流爲簡子發河激之歌

的顛

白巔

的吻

的盧

爾雅的顛白巔今之戴星馬也莊子曰齊之以月題蓋月題額上當顛如月者所以象巔之白

易曰其于馬也爲的顙蓋震二陰在上故爲的顙卽的盧也乘之妨主馬之貴者的吻相馬經馬白額入口者榆鴈一名的盧奴乘客死主乘棄市馬政論曰顙有白毛謂之的盧準上有旋毛及白毛者謂之的吻乘之皆凶按蜀志先主乘的盧至檀溪墜水備急呼曰的盧何不努力遂一躍五丈乃得過則的盧吉馬也

宜乘

爾雅毛在膺名宜乘千里馬也獸經邢昺疏旋

毛在胸者李伯樂相馬法旋毛在腹下如乳者千里馬

黃芝

黃芝李白馬名見採蘭雜志

碧芬

鮮渠上沮

明皇雜錄玄宗與貴妃避暑興慶宮飲宴於靈陰樹下寒甚玄宗命進碧芬之裘碧芬出林氏國乃騶虞與豹交而生此獸大如犬碧於黛香聞數里太宗時國人致貢上謂妙於貂鼠不啻

天壤因名之曰鮮渠上沮鮮渠華言碧上沮華言芬芳也

駁龍

紫鹿

文的

躡魚

駁龍紫鹿文的躡魚皆馬名見陳琳武庫賦

飛越峯

滇史洪武四年貴州夷翠靄進水西之乘數十匹皆良馬也按水西馬皆出於養龍坑坑在兩山之間泓渟齋深靈物藏其下當春初和暢夷人立柳坑畔擇牝馬繫之已而雲霧晦暝類有

物蜿蜒與馬接其產必龍種也翠靄所獻之乘其一白者得於此首高九尺長丈餘不可控馭祀馬祖然後勅典牧者以囊沙四百斤壓而乘之行苑中久漸馴習後將行夕月之禮於清涼山乘之如躡雲一塵弗驚賜名飛越峯繪形藏焉宋濂爲之贊

瑞穎

正統四年六月西域撒馬兒罕遣使進良馬色玄蹄額皆白賜名瑞穎詔畫史圖之

玉麟飛 白玉馴 碧玉橋 照夜璧

銀河練 瑤池駿 飛雲白

玉麟飛而下皆天閑之選乘也嘉靖十二年四月十三日上演馬南城召大學士張孚敬李時方獻夫翟鸞同遊留青日札云

叱撥

續博物志云天寶中大宛進汗血馬六匹一曰紅叱撥二曰紫叱撥三曰青叱撥丹鉛錄云羣牧故事有紅耳叱撥鴛鴦叱撥桃花叱撥丁香

叱撥青叱撥騮叱撥榆叱撥紫騮叱撥北方馬以叱撥及青白紫純色綠鬃騮為上驄赤驃騮白赤色為中荏驄驄駱駝為下西陽雜俎猫亦名叱撥

聾蟲 智蟲

淮南子云馬聾蟲也而可以通志猶待教而成况人乎注聾蟲喻無知餘冬序錄左傳物莫智於龍宋季宗問王季海聾字何以從龍耳對曰山海經龍聽以角不以耳然則謂龍聾蟲可也

齊桓公伐孤竹迷失道管仲曰臣智不如老馬
請從老馬而先之因隨其後果得道然則謂馬
智蟲可也

啓服

左傳衛侯來獻其乘馬曰啓服鄭玄云兩服中
央夾轅者此馬毛色名啓公用以夾轅故以啓
服爲名也

朴握

淘裏

說楛云兔名朴握見古文苑作朴朔東坡詩寒

窗煖足來朴握古樂府雄兔脚撲檉雌兔眼迷
離遼志三月三日國人以木雕爲兔走馬射之
呼此節爲淘裏化漢人譯云淘裏是兔化是射
肅爽

左傳唐成公如楚有兩肅爽疏云釋畜於馬無
肅爽之名爽或作霜賈逵云色如霜紈馬融說
肅爽鴈也其羽如練高首而脩頸馬似之

石狷

集韻石狷獸名也

葛牂

升庵外集狙一名葛牂似猿而狗頭喜與雌猿交

馬通

靈薪

石藥爾雅馬糞一名馬通一名靈薪

周匝

富貴

孫氏瑞應圖曰周匝神獸也知星宿之變化王者德盛則至又曰富貴者鳥形獸頭也

